

SASTANAK SA PREDSTAVNICIMA OPĆINE JAJCE

05.12.2023 12:54



Sastanak predstavnika Federalne uprave za geodetske i imovinsko – pravne poslove i predstavnika općine Jajce je održan u prostorijama Uprave 04.12.2023. godine. Na sastanku su učestvovali direktor FGU gosp. Željko Obradović i pomoćnik direktora gosp. Sead Hadžić te načelnik općine Jajce gosp. Edin Hozan sa saradnicima.

Sastanak je održan s ciljem pregleda realizacije aktivnosti u okviru sektora zemljišne administracije općine Jajce. Prioritetni projekat u općini je izlaganje na javni uvid podataka premjera i katastarskog klasiranja zemljišta, a u općini Jajce je još uvijek na snazi popisni katastar koji ne može odgovoriti svim izazovima današnjeg vremena. Dogovoren je sistematičniji pristup procesu izlaganja u narednom periodu

što podrazumijeva usku saradnju općinskih službi, Kantonalne geodetske uprave i Federalne uprave za geodetske i imovinsko-pravne poslove.

Potrebno je do kraja naredne 2024. godine završiti započeta izlaganja podataka premjera u tri katastarske općine, a u međuvremenu se pripremiti za izlaganje prioriternih katastarskih općina.